



Mala Høy Kúko, Siumut
Inatsisartunut ilaasortaq

Tasiilami qulimiguulinnut mittarfik pillugu § 37 naapertorlugu apeqqup 2023-073-ip akineqarnera

14-04-2023
Suliap nr.: 2023-4356
ID nr. 86595062

Asasara Mala

Inatsisartut Suleriaasianni § 37 naapertorlugu Tasiilami qulimiguulik pillugu Inatsisartunut apeqquqeqarsimavutit. Apeqquutigisatit uannut akissassanngortinneqarsimapput. Apeqquutigineqartut tullinnguuttuni ataasiakkaarlugit uteqqinneqarput akiortorneqarlutillu.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqup 1

Kulusummi qaqugu Naalakkersuisut qulimiguullip nutaap atuutilernissaa pilersaarutigivaat?

Akissut:

Soorlu Air Greenlandimit paasissutissiissutigineqartoq Kulusumi qulimiguulik nutaaq 24. april 2023-mi atorneqalissasoq Naalakkersuisut naatsorsuutigaat.

Apeqqup 2

Qulimiguullip (helikopter) nutaassap Tasiilap nunaqarfittaanut mittarnissaa ajornartorsiuteqarnavianngitsutut Naalakkersuisut naatsorsuutigaat?

Akissut:

Naalakkersuisut apeqqummut tassunga akinissaminnut Air Greenlandimit isummersuutiniq pissarsiniarsimapput. Mittarfeqarfiit A/S Tasiilap eqqaani mittarfinnut akissusaasup killilersuisoqarnera imaluunniit Tasiilap eqqaani mittarfinnut qulimiguullit H155-it atorneqarnerat arlaatigut killilersuiffigineqarsimanersoq Air Greenlandimit paasissutissiissutigineqarpoq. Mittarfeqarfiit A/S-imi suliassat allaanerusut aamma siusinnerusumut sanilliullugu aputaajaanernerunersoq Mittarfeqarfiit A/S-imi, Ineqarnermut Attaveqaasersuutinullu Naalakkersuisoqarfimmi aamma Air Greenlandimi oqaluuserineqarsimavoq.

Apeqqup 3

Qulimiguullip (helikopter) Tasiilaq nunaqarfittaani arlaatigut ajornartorsiutaasinnaasut siumoortumik misissuisoqarsimaneranik Naalakkersuisut oqaatigisinnaavaat?

Akissut:

Naalakkersuisut apeqqummut tassunga akinissaminnut Air Greenlandimit isummersuutiniq pissarsiniarsimapput. Tasiilap eqqaani nunaqarfinnut minnissanut pitsaasunik periarfissaqarlutik Air Greenlandimit nalunaarput, tassami Air Greenlandip

qulimiguuliutaa nutaaq H155 Bell B212-itulli mittarfinnut missinnaamat. Bell B212 siusinnerusukkut Air Greenlandip qulimiguuliutaa annertunerusumik atorpeqarsimavoq.

Tasiilap eqqaani nunaqarfiit tamarmik Angallanneq pillugu Aqutsisoqarfimmit qulimiguulinnut mittarfimmik akuerisaasunik pisortatigoortunillu attuumassuteqartut Mittarfeqarfiit paasissutissiipput. Qulimiguulinnut mittarfiit tamakku qulimiguulinnit B212-init aamma H155-init tamarmik annertussusiligaapput tamakkunanngalu miffigineqarnissaminnut akuerisaallutik.

Apeqqu 4

Qulimiguullip (helikopter) nutaassap umiarsuarnik angallatinilluunniit anginerusunik ajutoortoqarpat, imaluunniit sersersuarmi angalasunik ajutoortoqarpat, annaassiniaasussatut atorpeqarsinnaanersoq oqaatigisinnaavaat?

Akissut:

Naalakkersuisut apeqquummut tassunga akinissaminnut Air Greenlandimit isummersuutininik pissarsiniarsimapput. Air Greenland naapertorlugu qulimiguulik nutaaq SAAR-imi upalungaarsimanernut ilaatinneqanngilaq. Kisianni immikkut illuinnartumik pisoqartillugu H155-qulimiguulik atorpeqarsinnaasassaaq.

Apeqqu 5

Tunumi qulimiguulik (helikopter) nutaassaq atorpeqartussaasoq pillugu paasissutissanik attuumassuseqartunik nutaanik Naalakkersuisut paasissutissaateqarpat?

Akissut:

Naalakkersuisut apeqquummut tassunga akinissaminnut Air Greenlandimit isummersuutininik pissarsiniarsimapput, tassangaanniillu nutaanik paasissutissaateqartoqanngitsaq paasissutissiipput. Air Greenlandili umiarsuarmik angallassisartumik isumaqatigiissuteqarsimavoq taamaalilluni pisariaqartitsineq naapertorlugu qulimiguullit atugassiissutigineqariaannaapput, taamaalillunilu umiarsuarmik angallassisartaq pissutsit assigiinngitsut pissutigalugit angallassinnaajunnaarpat Air Greenland ikiuussinnaasassaaq. Umiarsuarmik atuinissamik siunertarinqartoq tassaavoq angallassinerni eqaannerunissamik kissaateqarneq, taamaalilluni timmisartuussisoqartinnagu immakkut angallassisoqarsinnaaniassammat aamma taamaalilluni sila pissutigalugu taamaatitsiinnartarnerit ikiliallanniassammata.

Neriuppunga matuma qulaani apeqquutitit akineqarsimassasut.

Inussianersumik inuulluaqqusillunga



Erik Jensen